


71
36
6

漢詔疏

一

漢詔疏序

景陵譚元春友夏撰



譚子喟然歎曰漢文失其傳而
經學亾矣漢詔亾盤庚大誥所
以亾也詢咨且無論或曰季世
天子務繁緒廣漢之時君與民



親民與吏親吏與將親天子如
對其家人意出而言隨無爲詔
之意無爲詔之意而詔迺落落
然三代矣且非唯天子自言也
君不暇而臣爲之言也亦然無
代君爲詔之意無是意而詔乃

落落然天子焉大誥多方諸篇
不周公乎周公之才之美不驕
不吝而代成王爲之言宛然成
王也哉知古誥者知漢詔知詔
者知疏君民不相親民吏又不
親吏將又不親而曰我能疏吾

恐漢人見之矣故閩中陳子磐
生出漢詔疏示人而譚子定之
且爲敘

天啓元年夏四月六日



目錄

詔

高帝

赦天下詔

封故衡山王吳芮詔

封粵王亡諸詔

復諸侯子等詔

令諸吏善遇高爵詔

赦天下詔

擇分王齊荆地詔

議立吳王詔

立王南海詔

賜書韓王信

讞獄詔

復吏卒禁制劉氏冠及賈人服御令

擇可立為代王者詔

省賦詔

求賢詔

立南粵王尉佗詔

赦燕吏民詔

布告天下共誅伐不義擅起兵者詔

前代守冢詔

手勅太子

又

又

又

又

惠帝

天下臣民爵賞有罪輕重令

文帝

止請立太子詔

賑貸百姓詔

養老詔

賜尉它書

日食詔

詔議犯法者收坐

詔議法

開籍田詔

除誹謗詬言罪詔

遣丞相勃之國詔

却千里馬詔

勸農詔

賜三老孝弟力田廉吏帛率置常員詔

除秘祝詔

除肉刑詔

漢書
目錄
三
除田租稅詔

廣增諸祀壇場圭幣祠官無有所祈詔

黃龍見成紀詔

賜晁錯璽書

策賢良文學詔

議可以佐百姓者詔

匈奴和親詔

遺匈奴書

省刑詔

遺詔

景帝

聽民徙寬大地詔

具孝文皇帝廟禮儀詔

定律減笞詔

禁采黃金珠玉詔

擊吳楚詔

讞疑獄詔

長吏車服制詔

筆令詔

讞獄詔

令天下務農桑二千石脩職事詔

減訾筭詔

武帝

養老詔

脩山川祠詔

策賢良文學制

策賢良詔

賜嚴助詔

赦鴈門代郡軍士詔

赦天下與民更始詔

議不舉賢者罪詔

益封衛青詔

赦天下詔

封北征將校詔

遣謁者巡行天下詔

隴西功益封霍去病詔

漢書
目錄
主
渾邪王降益封霍去病

議后土祀

代右北平功益封霍去病詔

遣博士循行天下詔

得寶鼎

封子南君嘉詔

丁酉拜况于郊詔

責楊僕勅書

加增太室祠詔

行邊詔

甘泉宮產芝赦天下詔

祠靈星詔

赦所幸縣詔

察舉茂才異等詔

報石慶詔

詔兒寬

封李廣利詔

詔路博德

詔李陵

報齊人延年詔

麟趾裏蹠詔

賜丞相劉屈氂璽書

罷屯田輪臺詔

報丞相車千秋詔

罷珠厓詔

報胡建詔

詔關都尉

報李廣詔

收元元封詔

賜燕王旦策

昭帝

罷止出馬詔

詔蘇武

舉賢良文學詔

菽粟當賦詔

封張安世詔

漢書
賜燕王璽書

宣帝

大封策立功臣詔

議孝武皇帝廟樂詔

損減員役歸就農業詔

地震詔

假貧民池籟公田罷郡國宮館詔

除親屬首匿罪詔

擢黃霸爲潁川太守詔

察吏詔

封海昏侯賀詔

封御史大夫丙吉等詔

禁捕禽鳥詔

改元神爵詔

賜趙充國璽書

報趙充國

神光詔

除禁嫁娶不得相賀詔

單于稱臣詔

報張安世詔

益吏百石以下俸詔

舉孝弟詔

課獄吏殿最詔

赦天下詔

舉文學詔

察計簿詔

元帝

賜諸葛豐書

議律令詔

罷止宮館繕治詔

舉直言詔

報貢禹詔

議廟詔

條責于定國詔

日食詔

賜馮奉世璽書

以張譚為御史大夫詔

賜東平思王太后璽書

徵拜周堪詔

恤民詔

左遷蕭望之為太子太傅詔

封蕭望之詔

求直言詔

罷園陵縣邑詔

舉明陰陽災異詔

成帝

報張禹詔

報匡衡詔

復東平王削縣詔

日食地震詔

改元河平詔

約省律令詔

報許后詔

詔舉可充博士者

罷昌陵詔

龍見日蝕詔

贍恤貧民詔

禁車服奢僭詔

遣使循行郡國詔

哀帝東平王贈諡詔

節制謹度詔

策免師丹詔

報平當

策免孔光詔

疏

韓信

上尊號疏

張蒼

除肉刑議

賈雜奏淮南厲王疏

尉它

上書去帝號

馮唐

論薦魏尚疏

賈誼

諫放鑄疏

梁代封國疏

諫封厲王子疏

務農疏

陳政事疏略

晁錯

上言兵事疏

守邊備塞勸農立本疏

立邊民什伍疏

務農疏

應直言對

無名氏

請立太子疏

賈山

至言疏

緹縈

求贖父刑疏

太子

防年獄對

劉安

諫興兵閩越疏

倪寬

封禪疏

卜式

自請擊反者呂嘉疏

東方朔

初來上書

諫起上林苑疏

化民有道對

司馬遷

李陵對

中山靖王勝

泣樂對

漢書
卷之九
無名氏

寶鼎議

張騫

條奏西域列國疏

嚴安

直陳時政疏

汲黯

諫論殺賈人交市渾邪疏

董仲舒

災異對

天人對一

天人對三

制田里除專殺薄斂省役疏

張湯

郊祀對

延年

議開河出胡中

江充

自請使匈奴對

司馬相如

諫遊獵疏

吾丘壽王

禁民持弓弩對

主父偃

諫伐匈奴疏

徐樂

天下之患疏

令狐茂

駁訟太子寃疏

終軍田

自請使匈奴

白麟奇木對

公孫弘

應制策

霍光

條奏故昌邑王疏

路溫舒對昌邑王疏

尚德緩刑疏

趙充國策疏

公諫伐罕开疏

屯田疏木樵對

屯田疏西妓

屯田疏奴疏

魏相太子家疏

采易陰陽明堂月令疏

鄭昌

刪定律令疏

戴長樂林本正命論疏

責罪狀楊惲疏

王吉論漢制疏

上言得失疏

張敞

條奏昌邑王賀疏

自請治勃海疏

諫霍氏封事

不宜薦鼎于宗廟疏

劾奏黃霸疏

侯應

王諫罷邊備塞吏卒疏

貢禹

乞罷採珠玉金錢無復以為幣疏

宮室服御疏

節儉務農疏

乞歸疏

陳湯

擒斬郅支單于疏

賈捐之

乞罷兵珠厓疏

杜欽

追訟馮奉世疏

應直言對

京房

漢書
出守再上封事

三上封事

馮遂

奏浚屯氏河

士伍尊

追訟丙吉疏

蕭望之

具劾韓延壽疏

入粟贖罪議

薛廣德

諫射獵疏

翼奉

應直言封事

平昌侯封事

時日對

徙都成周議

諸葛豐

謝收司隸校尉節疏

韋玄成

罷郡國宗廟議

谷永

訟陳湯冤疏

受伊邪莫演降議

方術淫詞疏

諫驗梁王立疏

長安章城門函谷關次門門牡自亡對

直言對

匡衡

政治得失疏

勸戒妃匹經學威儀疏

徙置后土祠疏

罷秦故祠疏

郊壇疏

劉向

劾奏弘恭石顯封事

上甘延壽陳湯功疏



前災異疏

乞罷王氏疏

諫起昌陵疏

後災異疏

止罷甘泉太畤疏

進晏子疏

進關尹子書

許后

奏罷省減椒房用度疏

班婕妤

祝詛對

郭舜

請歸康居國侍子

梅福

論王氏疏

張佳

論王商疏

劉歆

武帝廟祀議

王音

漢言疏
目錄
三

又

劉輔

諫立趙皇后疏

王仁

諫立趙后疏

公乘興

訟京兆王尊疏

辛慶忌

救劉輔疏

無名氏

昌陵議

李尋

治河疏

災異對

趙昭儀

賀冊立疏

耿育

漢書
目錄
訟陳湯寃疏

論毋按昭儀罪失先帝託後意

解光

奏趙昭儀罪狀疏

孔光

罷樂官冗員疏

賈讓

治河三策

杜鄴

拜封丁傳對

楊雄

王諫止單于來朝疏

息夫躬

歷詆公卿大臣疏

鮑宣

王諫任外戚董賢等疏

張戎

乞勿引河水溉田疏

杜業

劾奏王氏疏

王嘉

應日食直言封事

舉薦公孫光等疏

厭應變異疏

王莽

改郊祀禮制疏

申屠剛

賢良策

孫竦

頌莽功德疏

目錄終

漢詔疏

卷之一

明 閩中陳衍選評

高帝

赦天下詔

五年正月

兵不得休八年。萬民與苦甚。今天下事畢。其赦天下殊死以下。

氣象蕩直覺伸誥尚多回護

封故衡山王吳芮詔

五年二月

故衡山王吳芮與子二人，兄子一人，從百粵之兵，以佐諸侯。誅暴秦有大功。諸侯立以為王。項羽侵奪之地，謂之番君。其以長沙、豫章、象郡、桂林、南海、立番君芮為長沙王。

封粵王亡諸詔 五年二月

故粵王亡諸世奉粵祀，秦侵奪其地，使其社稷不得血食。諸侯伐秦，亡諸身帥閩中兵以佐滅秦，項羽廢而弗立。今以為閩粵王，王閩中地，勿使失職。先言秦項不是處，亦戰國餘習。

突兀

教訓下復 加以辨告

復諸侯子等詔 五年五月

諸侯子在關中者，復之十二歲。其歸者，半之。民前或相聚保山澤，不書名數。今天下已定，令各歸其縣，復故爵田宅。吏以文法教訓，辨告勿笞辱民。以饑餓自賣為人奴婢者，皆免為庶人。軍吏卒會赦，其亡罪而亡爵及不滿大夫者，皆賜爵為大夫。故大夫以上，賜爵各一級。其七大夫以上，皆令食邑。師古曰：七大夫，公大夫也。非七大夫以下，皆復其身及戶，勿事。

凡讀此等
起句皆長
久筆力

行如行酒
之行奇甚

令諸吏善遇高爵詔

五年五月

七大夫公乘以上皆高爵也。諸侯子及從軍歸者甚多高爵。吾數詔吏先與田宅及所當求于吏者。亟與爵。或人君上所尊禮。久立吏前。曾不為決。甚亡謂也。異日秦民爵公大夫以上。令丞與亢禮。今吾於爵非輕也。吏獨安取此。且法以有功勞行田宅。今小吏未嘗從軍者多滿。而有功者顧不得背公立私。守尉長吏教訓甚不善。其令諸吏善遇高爵。稱吾意。且廉問有不如吾詔者。以重論之。

赦天下詔

六年十二月

天下既安。豪杰有功者封侯。新立未能盡圖其功。身居軍九年。或未習法令。或以其故犯法。大者死刑。吾甚憐之。其赦天下。

擇分王齊荆地詔

六年十二月

齊古之建國也。今為郡縣。其復以為諸侯。將軍劉賈數有大功。及擇寬惠脩絜者。王齊荆地。

議立吳王詔

吳古之建國也。日者荆王兼有其地。今死亡後。朕

欲復立吳王其議可者

立王南海詔

南武侯織亦粵之世也立以為南海王

賜書韓王信

專死。不勇。專生。不任。寇攻馬邑。君王力不足以堅守乎。安危存亡之地。此二者。朕所以責於君王。

有長篇氣魄。長篇才致。讀此乃知短文之難非可以剪裁為工也

讞獄詔

七年

獄之疑者。吏或不敢決。有罪者久而不論。無罪久繫不決。自今以來。縣道官獄疑者。各讞所屬二千石官。二千石官以其罪名當報之。所不能決者。皆移廷尉。廷尉亦當報之。廷尉所不能決。謹具為奏。傳所當比律令以聞。

呂刑後看此一道

復吏卒禁制劉氏冠及賈人服御令

八年

吏卒從軍至平城及守城邑者。皆復終身勿事爵。非公乘以上。毋得冠劉氏冠。賈人毋得衣錦綉綺。

穀絺紵。罰操兵乘騎馬。

擇可立為代王者詔 十一年正月

代地居常山之北，與夷狄邊。趙乃從山南有之。遠數有胡寇，難以為國。頗取山南太原之地，益屬代。代之雲中，以西為雲中郡。則代受邊寇益少矣。王相國通侯吏二千石，擇可立為代王者。

省賦詔 十一年二月

欲省賦甚。今獻未有程，吏或多賦以為獻，而諸侯王尤多。民疾之。令諸侯王通侯常以十月朝獻，及

剝下。媚上。天。眼。爛。然。

郡各以其口數，率人歲六十三錢，以給獻費。

起句緊捷，短文法也。短文起句緊捷，方得

與下面俊語相襯

求賢詔 十一年二月

置三王不言眼力高

蓋聞王者莫高于周文，伯者莫高于齊桓，皆待賢

人而成名。今天下賢者智能豈特古之人乎？患在

人主不交故也。士奚由達？今吾以天之靈，賢士大

夫定有天下，以為一家，欲其長久，世世奉宗廟，亡

絕也。賢人已與我共平之矣，而不與吾共安利之。

可乎。賢士大夫有肯從我遊者，吾能尊顯之。布告天下，使明知朕意。御史大夫昌下相國、相國、鄼侯、下諸侯王、御史中執法、下郡守，其有意稱明德者，必身勸為之，駕遣詣相國、府署行義，年有而弗言，覺免。年老癯病，勿遣。

立南粵王尉佗詔

十一年五月

粵人之俗，好相攻擊。前時秦徙中縣之民南方，三郡使與百粵，裸處會天下，誅秦。南海尉佗居南方，長治之，甚有文理。中縣人以故不耗滅，粵人相攻，擊之，俗益止。俱賴其力，今立佗為南粵王，使陸賈即授璽綬。

尉佗負秦不負漢者

赦燕吏民詔

十二年二月

燕王綰與吾有故，愛之如子。聞與陳豨有謀，吾以為亡有，故使人迎綰。綰稱疾不來，謀反明矣。燕吏民非有罪也，賜其吏六百石以上，爵各一級。與綰居去來歸者，赦之，加爵亦一級。

布告天下，共誅伐不義，擅起兵者。詔

十二年三月

吾立爲天子，帝有天下，十二年于今矣。與天下之豪士賢大夫共定天下，同安輯之。其有功者，上致之王，次爲列侯，下乃食邑，而重臣之親，或爲列侯，皆令自置吏，得賦歛。女子公主爲列侯，食邑者皆佩之印，賜大第室，吏二千石，徙之長安，受小第室，入蜀漢，定三秦者，皆世世復。吾於天下賢士功臣，可謂亡負矣。其有不義背天子，擅起兵者，與天下共伐誅之。布告天下，使明知朕意。

前代守冢詔

十二年十二月

鎖得道勁

秦皇帝、楚隱王、魏安釐王、齊愍王、趙悼襄王，皆絕亡後，其與秦始皇帝守冢二十家。楚、魏、齊各十家，趙及魏公子亡忌各五家。令視其冢，復亡與它事。手勅太子。

吾遭亂世，當秦禁學，自喜謂讀書無益。洎踐祚以來，時方省書，乃使人知作者之意，追思昔所行多不是。聖賢。

作者之意大不易知，豁達大度有此細心。

又

堯舜不以天下與子，而與它人，此非爲不惜天下，但子不中立耳。人有好牛馬，尚惜况天下耶？昔以爾是元子，蚤有立意，羣臣咸稱汝友四皓，吾所不能致，而爲汝來，爲可任大事也。今立汝爲嗣。

友四皓便可任大事，非謂四皓足可安漢，直是見得太子有收羅駕馭之才能，使豪傑効命，卽此一端，具有君天下本領，故堪負荷耳。然觀此，乃知當日廢嫡之意，不是惑溺。

又

吾生不學書，但讀書問字，而遂知耳，以此故不大工，然亦足自辭解。今視汝書，猶不如吾，汝可勤學習，每上疏宜自書，勿使人也。

與蜀先主令太子讀韓非，非同意彼醫其愚，此醫其惰。

又

汝見蕭曹張陳諸公侯，吾同時人，倍年于汝者，皆拜并語于汝諸弟。

足令諸公侯死心高帝顛倒豪傑處與晉成帝拜王導不同

又

吾得疾遂困以如意母子相累其餘諸兒皆足自立哀此兒猶小也

惠帝

天下臣民爵賞有罪輕重令初卽位

賜民爵一級中郎郎中滿六歲爵三級四歲二級外郎滿六歲二級中郎不滿一歲一級外郎不滿

二歲賜錢萬宦官尚食比郎中謁者執楯執戟武

士騎士騶比外郎太子御駝乘賜爵五大夫舍人滿五

歲二級賜給喪事者二千石錢二萬六百石以上

萬五百石二百石以下至佐史五千視作斥上者壙上

將軍四十金二千石二十金六百石以上六金五

百石以下至佐史二金減田租復十五稅一爵五

大夫吏六百石以上及宦皇帝而知名者有罪當

盜械者皆頌繫上造以上及內外公孫耳孫有罪

當刑及當為城旦舂者皆耐為鬼薪白粲民年七

十以上。若不滿十歲有罪當刑者皆完之。

古文有全篇皆好其實欲連筆圈點之不得此是絕高筆力讀春秋考工記自見

文帝

止請立太子詔 元年正月

朕既不德上帝神明未歆饗也天下人民未有慚志今縱不能博求天下賢聖有德之人而嬗天下焉而曰豫建太子是重吾不德也謂天下何其安之。

不能博求天下賢聖有德之人而禪天下

此事自禹後不曾說起文帝從此處生媿

性情幽厚直接帝王

振貸百姓詔 元年三月

方春和時草木羣生之物皆有以自樂而吾百姓鰥寡孤獨窮困之人或阡於死亡而莫之省憂為民父母將何如其議所以振貸之。

養老詔 元年

老者非帛不煖非肉不飽今歲首不時使人存問

省憂二字
合用乃切

長老又無布帛酒肉之賜將何以佐天下子孫孝養其親。今聞吏稟當受鬻者或以陳粟豈稱養老之意哉。具爲令。

賜尉它書 元年

皇帝謹問南粵王甚苦心勞意朕高皇帝側室之子棄外奉北藩于代道里遼遠壅蔽樸愚未嘗致書高皇帝棄羣臣孝惠皇帝卽世高后自臨事不幸有疾日進不衰以故諄暴乎治諸呂爲變故亂法不能獨制廼取它姓子爲孝惠皇帝嗣賴宗廟

之靈功臣之力誅之已畢朕以王侯吏不釋之故不得不立今卽位乃者聞王遺將軍隆慮侯書求親昆弟請罷長沙兩將軍朕以王書罷將軍博陽侯親昆弟在真定者已遣人存問脩治先人冢前日聞王發兵於邊爲寇災不止當其時長沙苦之南郡尤甚雖王之國庸獨利乎必多殺士卒傷良將吏寡人之妻孤人之子獨人父母得一亡十朕不忍爲也朕欲定地犬牙相入者以問吏吏曰高皇帝所以介長沙土也朕不能擅變焉吏曰得王

却述史語
妙此占文
姿致處

之地不足以爲大。得王之財不足以爲富。服領以南王自治之。雖然王之號爲帝。兩帝並立。亡一乘之使以通其道。是爭也。爭而不讓。仁者不爲也。願與王分棄前患。終今以來。通使如故。故使賈馳諭告王。朕意王亦受之。毋爲寇災矣。上褚五十衣。中褚三十衣。下褚二十衣。遺王。願王聽樂娛憂。存問鄰國。

有一段謙厚之意。在文字之中。有一段籠罩之氣。在文字之外。

日食詔

元年十二月

朕聞之。天生民爲之。置君以養治之。人主不德。布政不均。則天視之災。以戒不治。乃十一月晦。日有食之。適見于天。災孰大焉。朕獲保宗廟。以微眇之身。託于士民。君王之上。天下治亂。在予一人。唯二三執政。猶吾股肱也。朕下不能治。育羣生。上以累三光之明。其不德大矣。令至其悉思朕之過失。及知見之所不及。旬以啓告朕。及舉賢良方正能直言極諫者。以匡朕之不逮。因各勅以職任。務省繇

費以便民。朕既不能遠德，故憫然念外人之有非。是以設備未息，今縱不能罷邊屯戍，又飭兵厚衛。其罷衛將軍、軍太僕，見馬遺財足餘，皆以給傳置。

詔議犯法者收坐 二年

詔丞相太尉御史法者治之正，所以禁暴而衛善人也。今犯法者已論，而使無罪之父母妻子同產坐之，及收朕甚弗取其議。

詔議法 二年

朕聞之法正則民慤，罪當則民從。且夫牧民而道

有。味。

忽、然、跌、起、

之以善者，吏也。既不能道，又以不正之法罪之，是法反害於民，為暴者也。朕未見其便宜，孰計之。

開籍田詔 三年正月

夫農天下之本也。其開籍田，朕親率耕，以給宗廟粢盛。民謫作縣官及貸種食未入，入未備者，皆赦之。

除誹謗詆言罪詔 三年五月

古之治天下，朝有進善之旌，誹謗之木，所以通治道而來諫者也。今法有誹謗詆言之罪，是使眾臣

不敢盡情而上無由聞過失也將何以來遠方之賢良其除之民或祝詛上以相約而後相謾吏以為大逆其有他言吏又以為誹謗此細民之愚無知抵死朕甚不取自今以來有犯此者勿聽治

遣丞相勃之國詔 三年十月

前日詔遣列侯之國辭未行丞相朕之所重其為朕率列侯之國

却千里馬詔 三年

鸞旗在前屬車在後吉行日五十里師行三十里

可見獻者皆其來

朕乘千里之馬獨先安之朕不受獻也其令四方毋求來獻

善于自處當是借此項來省却四方騷擾耳

勸農詔 十二年正月

道民之路在于務本朕親率天下農十年于今而野不加辟歲一不登民有饑色是從事馬尚寡而吏未加務也吾詔書數下歲勸民種樹而功未與是吏奉吾詔不勤而勸民不明也且吾農民甚苦

而吏莫之省將何以勸焉其賜農民今年租稅之半。

文帝種樹管子伐樹各自經濟

賜三老孝弟力田廉吏帛率置常員詔

十二年

孝弟天下之大順也力田爲生之本也三老衆民之師也廉吏民之表也朕甚嘉此二三大夫之行今萬家之縣云無應令豈實人情是吏舉賢之道未備也其遣謁者勞賜三老孝者帛人五匹悌者力田二匹廉吏二百石以上率百石者三匹及問

民所不便安而以戶口率置三老孝悌力田常員令各率其意以道民焉

切莫講道

除秘祝詔

十三年夏月

秘祝之官移過於下朕甚弗取其除之

凡短文中精理語有韻致句方妙

除肉刑詔

十三年五月

制詔御史蓋聞有虞氏之時畫衣冠異章服以爲
僂而民弗犯何治之至也今法有肉刑三而姦不
止其咎安在非乃朕德之薄而教不明與吾甚自

息再生肉也

愧故夫訓道不純而愚民陷焉。詩曰：愷弟君子，民之父母。今人有過，教未施而刑已加焉。或欲改行爲善而道亡，繇至朕甚憐之。夫刑至斷支體，刻肌膚，終身不息，何其刑之痛而不德也。豈稱爲民父母之意哉。其除肉刑，有以易之。及令罪人各以輕重不亡逃，有年而免，具爲令。

愧已憐人，此除肉刑之本也。後世尚有議文帝此舉不當者，是獨何心。

除田租稅詔 十三年

農天下之本，務莫大焉。今廛身從事而有租稅之賦，是爲本末者，無以異也。其於勸農之道未備，其除田之租稅。

廣增諸祀壇場圭幣祠官無有所祈詔 十四年春

朕獲執犧牲珪幣以事上帝宗廟，十四年于今，歷日彌長，以不敏不明而久撫臨天下，朕甚自媿。其廣增諸祀壇場珪幣，昔先王遠施不求其報，望祀不祈其福，右賢左戚，先民後已，至明之極也。今吾聞祠官祝釐皆歸福於朕躬，不爲百姓，朕甚媿之。

凡人無知不道皆由心無媿作文帝屢發此念

夫以朕之不德而專鄉獨美其福百姓不與焉是重吾不德也其令祠官致敬無有所祈

黃龍見成紀詔 十四年

有異物之神見于成紀毋害於民歲以有年朕幾郊祀上帝諸臣禮官議毋諱以朕勞

漢武帝宣帝皆好祥瑞屢見詔書夸美而已絕無一語及民間文帝則曰無害于民歲以有年同一祥瑞心口迥別

賜晁錯璽書 十四年

皇帝問太子家令上書言兵體三章聞之書言狂夫之言而明主擇焉今則不然言者不狂而擇者不明國之大患故在于此使夫不明擇于不狂是以萬聽而萬不當也

文古則難紆曲何獨兼之

策賢良文學詔

惟十有五年九月壬子皇帝曰昔者大禹勤求賢士施及方外四極之內舟車所至人迹所及靡不聞命以輔其不逮近者獻其明遠者通厥聰比善

勦力以翼天子，是以大禹能亡失德，夏以長楸高皇帝親除大害，去亂從正，建豪英以爲官師，爲諫爭輔天子之闕，而翼戴漢宗也。賴天之靈，宗廟之福，方內以安，澤及四夷。今朕獲執天下之正，以承宗廟之祀，朕旣不德，又不敏明，弗能燭而智不能治。此大夫之所著聞也。故詔有司諸侯王三公九卿及主郡吏各帥其志，以選賢良明於國家之大體，通於人事之終始，及能直言極諫者，各有人數，將以匡朕之不逮。二三大夫之行當此三道，朕甚

嘉之。故登大夫于朝，親諭朕志。大夫其上三道之要，及永惟朕之不德，吏之不平，政之不宣，民之不寧，四者之闕，悉陳其志，毋有所隱。上以薦先帝之宗廟，下以興愚民之休利。著之于篇，朕親覽焉。觀大夫所以佐朕，至與不至，書之。周之密之，重之。閉之。興自朕躬。大夫其正論，毋枉執事。嗚呼戒之。二三大夫其帥志毋怠。

情辭鄭重
欲感人于
言語之外

議可以佐百姓者詔
後元年三月

間者數年比不登，又有水旱疾疫之災，朕甚憂之。

愚而不明未達其咎意者朕之政有所失而行有過與乃天道有不順地利或不得人事多失和鬼神廢不享與何以致此將百官之奉養或費無用之事或多與何其民食之寡之也夫度田非益寡而計民未加益以口量地其于古猶有餘而食之甚不足者其咎安在無乃百姓之從事於末以害農者蕃為酒醪以靡穀者多六畜之食馬者眾與細大之義吾未能得其中其與丞相列侯吏二千石博士議之有可以佐百姓者率意遠思無有所

文有宜多二字者此是也

此句歇得妙

隱

古文有一句一字漫讀之若可有可無細想之一篇精神彩色全在于此者

匈奴和親詔 後二年六月

朕既不明不能遠德使方外之國或不寧息夫四荒之外不安其生封圻之內勤勞不處二者之咎皆自于朕之德薄而不能達遠也間者累年匈奴並暴邊境多殺吏民邊臣兵吏又不能諭其內志以重吾不德夫久結難連兵中外之國將何以自

寧今朕夙興夜寐勤勞天下憂苦萬民爲之惻怛不安未嘗一日忘于心故遣使者冠蓋相望結轍于道以諭朕志于單于今單于反古之道計社稷之安便萬民之利新與朕俱棄細過偕之大道結兄弟之義以全元元之民和親以定始于今年

遺匈奴書 後二年

皇帝敬問匈奴大單于無恙使係虜淺遺朕書云願寢兵休士除前事復故約以安邊民世世平樂朕甚嘉之此古聖王之志也漢與匈奴約爲兄弟

所以遺單于甚厚背約離兄弟之親者常在匈奴然右賢王事已在赦前勿深誅單于若稱書意明告諸吏使無負約有信敬如單于書使者言單于自將并國有功甚苦兵事服繡袷綺衣長襦錦袍各一師古曰服者言天子自所服也袷者衣比疎無絮也繡袷綺衣以繡爲表綺爲裏也一師古曰辨髮之飾也以金爲之黃金飭具帶一黃金犀毗一孟日要中大帶也師古曰犀毗胡帶之飾也亦曰鮮卑亦謂師比總一物也繡十匹錦二十匹赤綈綠繒各四十匹使中大夫意謁者令肩遺單于

漢書 卷之二十一 匈奴傳 三

慰諭尊重得體

省刑詔 後三年

高年長老人所尊敬也。鰥寡不屬逮者人所哀憐也。其著今年八十以上八歲以下及孕者未乳師

朱儒

如淳曰師樂師盲瞽者朱儒短人不能走者

當鞠繫者頌繫之

古師

日頌讀日容容寬容之不桎梏

遺詔 後七年六月

朕聞之蓋天下萬物之萌生靡有不死死者天地之理物之自然奚可甚哀當今之世咸嘉生而惡

死厚葬以破業重服以傷生吾甚不取且朕既不德無以佐百姓今崩又使重服久臨以懼寒暑之數哀人父子傷長老之志損其飲食絕鬼神之神祀以重吾不德謂天下何朕獲保宗廟以眇眇之身託于天下君王之上二十有餘年矣賴天之靈社稷之福方內安寧靡有兵革朕既不敏常畏過行以羞先帝之遺德惟年之久長懼于不終今乃幸以天年得復供養于高廟朕之不明與嘉之其奚哀念之有其令天下吏民令到出臨三日皆釋

反恨不終以死為嘉帝王難得有此卓識

服無禁取婦嫁女。祠祀飲酒食肉。自當給喪事。服臨者皆無踐經帶。無過三寸。無布車及兵器。無發民哭。臨宮殿中殿中。當臨者皆以旦夕各十五舉音禮畢罷。非旦夕臨時禁無得擅哭。臨以下服大紅十五日。小紅十四日。織七日。釋服。它不在令中者皆以此令比類從事。布告天下使明知朕意。霸陵山川因其故。無有所改。歸夫人以下至少使。此以兩段作附語如無着落古文多此格古文亦有當結束時反留餘地益覺低回之妙者

後董卓使呂布發漢諸陵至解金縷以探

含璣獨霸陵獲存魏文帝終制略曰漢文帝之不發霸陵無求也光武之掘原陵封樹也

景帝

聽民徙寬大地詔 元年正月

間者歲比不登民多乏食天絕天年朕甚痛之郡國或磽陬無所農桑較畜較古繫字或地饒廣薦草莽水泉利而不得徙如淳曰莊周云麋鹿食曰其議薦一日草稠曰薦深曰莽民欲徙寬大地者聽之

農桑繫畜無所反作無所農桑繫畜此等
法雖不必學亦見古人弄筆妙處

具孝文皇帝廟禮儀詔 元年

蓋聞古者祖有功而宗有德制禮樂各有由歌者

所以發德也舞者所以明功也高廟酌張晏曰正月旦作酒

八月成名曰酌酌之言純也至武帝時因八月嘗酌會諸侯廟中出金助祭所謂酌金也師古曰酌

三重釀醇酒也味厚故以荐宗廟酌音直救反奏武德文始五行之舞孟

曰武德高祖所作也文始舜舞也五行周舞也武德者其舞人執干戚文始舞執羽籥五行舞冠冕

衣服法五行色見禮樂志孝惠廟酌奏文始五行之舞孝文皇

帝臨天下通關梁不異遠方除誹謗去肉刑賞賜

長老收恤孤獨以遂羣生減嗜欲不受獻罪人不

孥不誅亡罪不私其利也除宮刑出美人重絕人

之世也朕既不敏弗能勝識此譬上世之所不及

而孝文皇帝親行之德厚侔天地利澤施四海靡

不獲福明象乎日月而廟樂不稱朕甚懼焉其為

孝文皇帝廟為昭德之舞以明休德然後祖宗之

功德施于萬世永永無窮朕甚嘉之其與丞相列

侯中二千石禮官具禮儀奏

定律減笞詔

元年

加笞與重罪無異幸而不死不可爲人其定律笞

五百曰三百笞三百曰二百

禁采黃金珠玉詔

二年

農天下之本也黃金珠玉饑不可食寒不可衣以

爲幣用不識其終始閒歲或不登意爲末者衆農

民寡也其令郡國務勸農桑益種樹可得衣食物

吏發民若取庸采黃金珠玉者坐贓爲盜二千石

聽者與同罪

擊吳楚詔

二年

蓋聞爲善者天報以福爲非者天報以殃高皇帝

親垂功德建立諸侯幽王悼惠王絕無後孝文皇

帝哀憐加惠王幽王子遂悼惠王子卬等令奉其

先王宗廟爲漢藩國德配天地明並日月而吳王

濞背德反義誘受天下亡命罪人亂天下幣稱疾

不朝二十餘年有司數請濞罪孝文皇帝寬之欲

其改行爲善今乃與楚王戊趙王遂膠西王卬濟

南王辟光留川王賢膠東王雄渠約從謀反爲逆

重一句便
厚便宛古
文多用此
法

無道起兵以危宗廟賊殺大臣及漢使者迫劫萬
民伐殺無罪燒殘民家掘其丘壟甚為虛暴而印
等又重逆無道燒宗廟鹵御物朕甚痛之朕素服
避正殿將軍其勸士大夫擊反虜擊反虜者深入
多殺為功斬首捕虜比二百石以上皆殺無有所
置敢有議詔及不如詔者皆腰斬

讞疑獄詔

中五年九月

法令度量所以禁暴止邪也獄人之大命死者不
可復生吏或不奉法令以貨賂為市朋黨比周以

昔為察以刻為明令亡罪者失職朕甚憐之有罪
者不伏罪姦法為暴甚亡謂也諸獄疑若雖文致
于法而于人心不厭者輒讞之

長吏車服制詔

中六年五月

夫吏者民之師也車駕衣服宜稱吏六百石以上
皆長吏也亡度者或不吏服出入閭里與民亡異
令長吏二千石車朱兩轡千石至六百石朱左轡
車騎從者不稱其官衣服下吏出入閭巷亡吏體
者二千石上其官屬三輔舉不如法令者皆上丞

句法落
古甚

相御史請之。

古人于吏言父母言師為吏者合生愧否

筆令詔 中六年

答者所以教之也其定筆令 字面新。

讞獄詔 後元年正月

獄重事也人有智愚官有上下獄疑者讞有司有

司所不能夫移廷尉有今讞而後不當讞者不為

失然令治獄者務先寬 先字斟酌便不是一味行寬一味行

矣十一人一字不若且若此

令天下務農桑二千石脩職事詔 後二年四月

雕文刻鏤傷農事者也錦繡纂組害女紅者也農

事傷則饑之本也女紅害則寒之原也夫饑寒並

至而能亡為非者寡矣朕親耕后親桑以奉宗廟

粢盛祭服為天下先不受獻減太官省繇賦欲天

下務農蠶素有蓄積以備災害彊毋攘弱眾毋暴

寡老者以壽終幼孤得遂長今歲或不登民食頗

寡其咎安在或詐偽為吏吏以貨賂為市漁奪百

姓侵牟萬民縣丞長吏也姦法與盜盜甚無謂也

辭意似連似斷妙甚

其令二千石各脩其職不事官職耗亂者丞相以聞請其罪布告天下使明知朕意

減訾筭詔 後二年五月

詔語有此語及似子書

人不患其不知患其為詐也不患其不勇患其為暴也不患其不富患其亡厭也其唯廉士寡欲易

足今訾筭十以上乃得官 服虔曰訾萬錢筭百二十七也應劭曰古者疾

吏之貪衣食足知榮辱限訾十筭乃得為吏十筭十萬也賈人有財不得為吏廉士無訾又不得官

故減訾四廉士算不必衆有市籍不得官無訾又

不得官朕甚愍之訾算四得官亡令廉士久失職

貪夫長利

漢詔疏

卷之一

三

漢詔疏

卷之一終

